

## CHHÛM DING-ÊNG LEH MEI DING

CHIBAIBÛKNA: Kan hnêna a awm avângin Pathian hnênah lâwmthu kan sawi thîn.

CHÂNGVAWN: “I hnênah ka awm a, i kalna apiangah ka vêng zêl ang che,”  
(Genesis 28:15, NIV).

Chhiâr Tûr: Exodus 13:21, 22; 14:19, 20; *Thlahtubulte leh Zâwlneite*, (2nd Edition, 2014), pp. 278-282.

Thuchah: Tha taka min vên avângin Pathian hnênah lâwmthû kan sawi thîn.

Zirlai Tum: Naupangte Chuan:

- Pathian chuan chhûn leh zâna min awmpuiin, kan mamawh zawng zawng min phuhrûksak thîn tih hria a,
- Pathian chu kan hnêna awmin kan mamawh zawng zawng min ngaihtuhsak zêl dâwn tih ringin,
- Pathian enkawl leh vênhimna chungah lâwmthû an sawi thîn ang.

*Khawiah emaw in bo vê tawh ngai em? Anmahni hruaitu tûr thil pahnih an neih avângin Israelte khân kawng an bo vê ngai lo.*

**F**ARAOA fanûin Nail Lui kama Mosia a chhar aţang khân kum tam tak a liam leh tawh a. A chhûngte hnêna Mosia a chên chhûng khân, a nû leh pête chuan Pathian hria a, hmangaih tûrin an zirtîr thîn a. Kum 12-a upa a lo nihin, lal ina Faraoa fanu hnêna chêng tûrin hruai a ni ta a. Mosia chu mi fîng tak a lo ni a. Pathian pawhin Aigupta ram lal Faraoan râwng taka ro a rêlna hnuai aţanga ram tha zâwka Israel fâte hruai tûrin a thlang rêng a ni.

Israelten Aigupta ram an chhuahsan hnû khân, Tuipui Sen an kân a, thlalêr hmun an thleng ta mai a ni. ‘Thlalêr’ tih chu eng tihna nge ni le? Hmun khawro leh lum êm êm, vaivut leh lung hlîr awmna hmun a ni a; chhûnah a sa êm êm a, zânah erawh chuan a vâwt leh êm êm thung a. Ransâte pawh chutiangah chuan an chêng a. Mahse, kawng an bo lohna tûr leh him taka an awm theihna tûrin



Pathianin ruâhmanna bîk tak a siamsak a. Pathian chuan mak danglam deuh takin a hruai ðhîn a ni.

Chhûn lamah chuan Israelten ni sa laka hliahtu chhûmpui nasa tak ang vânah an hmu thei a. Chhûm chu zâwi muângin hmalam panin a insawn vê zêl a, Pathian chuan chhûm hmang chuan a hruai zêl ðhîn a. Chhûm chuan an kalna tûr kawng a kawhmmuh lek pawh a ni lo. Chhûn lum hun lai chuan, chhûm chuan nisa lakah daihlim a siamsak a, chû chuan a vawng dâi ðhîn a. Chhûn nisa sen lakah a vêng him tlat a ni.

Zânah erawh chuan a thimin khuâ a vâwt thei hlê a, chuvângin Israelte chuan chhûm an mamawh lo. An mamawh chu êng leh lumna a ni. Chhûna chhûm ni ðhîn kha zân lamah chuan mei-alh dingah a chang thung a. Chû chuan êng a siamsak a. Thlalêr khawvâwt hrehawm lakah lumna a pe bawk a. Chû chuan ramsa kawlh lakah pawh a vênghim ngeiin a rinawm.

A mîte hruai leh vêng him tûrin Pathian chu a ðha thei ang berin a lo che ðhîn a. Chhûn leh zânah pawh Israelte chuan Pathianin vêng himin a hruai zêl a ni tih an hmu thei zêl a. A vêng him tih an inhria a, A enkawl na avâng chuan an fak ðhîn a ni.

Keini pawh min enkawl zêl avângin Pathian hnênah lâwmthu kan sawi thei a. Nî tin hian min enkawlin min hruai zêl ðhîn a ni. Keini chuan chhûm leh mei chu kan hmu vê lêm lo va, mahse, Pathian chuan min la vêng him zui zêl tih kan hre thei. ðha taka min enkawl avângin A hnêna lâwmthu sawi ðhîn tûr kan ni tih kan hre reng tûr a ni.

### TÌH TÛR LEH SAWI TÛR

**Sabbath Chàwhnû:** Tûn kêr nî tinin, zirlai hi chhiar ho vin, chângvawn ennawn nân heta zaizir hi in ti ðhîn dâwn nia:

**I hnênah.** . . . . . Mahni inkâwk



**Ka awm a** . . . . . Chunglam kâwk



**i kalna apiangah** . . . Kê pên vêl la.

**ka vêng zêl** . . . . . Mit chung a kut khum.



**ang che** . . . . . Mi dangte kawh kuâl.



**Genesis 28:15.** . . . . . Kut pah pahnih thlawp a, kâu leh.



**Sunday:** In fâten an Sabbath Sikul lama chhûm leh mei-alh ding lem an siam kha mi dangte sem tûrin fuih la, chutah Israelte hruaitu chhûm leh mei-alh ding chanchin i hrilh dâwn nia.

**Thàwhðannî:** Israelte khân hmanhmawh taka Aigupta ram chhuahsan an nih avângin an chhang pawh titho tûrin dâwidim an telh hman lo va. Chhang pawh a thawh

thleng nghâk hman an ni tawh lo. In fâte nêh dâwidim (yeast) tel lovin chhang hmet ula, a nih loh leh chhang thâwp lo chî lei mai ulang, chhûn châwah in ring dâwn nia. ‘Pathianin Min Ngaihsak’ (God Cares) tih kut zungtanga hmang entîr tûr (phêk 68) kha ti ho ula. In tawngtai hunah, Israel fâte anga nangni pawh a ngaihsak che u avângin Pathian hnênah lâwmthû sawi ang che u.

**Thàwhlehni:** Naupangte nêh ‘Hruaitu Tih Dân Zui’ (Follow the Leader) tih hmangin infiam ho ula. Hruaitu-ah in ințan chhâwk dâwn nia. Pathianin Mosia a hruai dân leh, in chhûngkua a hruai dân chungchâng sawi ang che u.

**Nîlâini:** Chhiar ho tûr: *Exodus 13:21, 22.*

**Inzawh tûr:** Engtin nge Pathianin Israel fâte kha chhûn lamah a hruai tîin? Zan lamah vê thung? Hmun hrang hranga hruai nân che u Pathianin tu nge a hman? (Nû, pâ, zirtîrtû leh mi dangte). Pathian min hruaina chungah lâwmthû sawi ula. In fâte nêh online-in thlalêr (desert) en ho ang che u. **Inzawh tûr:** Thlalêrah chuan eng thing/thlâi nge awm tîin? Khaw lum dân eng ang nge ni? A remchân chuan vaivutah chêtîr ang che u.

**Inzawh tûr:** Tîâuvuta kal hi eng angin nge in ngaih?



**Nîngâni:** In fâte nêh map thlîr ho ula. A hman dân leh tângkaina sawi ho teh u. Map-ah chuan in ram fan tawh emaw, la fan tûr emaw kawhhmuh ang che u. **Inzawh tûr:** Israelte khân map an nei vê em? (Nei lo, chû âia t̄ha zâwk, Pathian hruaina chhûm leh mei-alh ding an nei thung.)

**Zirtâwpni:** In chhûngkaw worship-naah Bible thawnthû hi lemchanah hmang ho ang che u. In kiang vêl in fan kualnaah torch kha mei-alh ding entîr nân in hmang dâwn nia. In chhûngte chu tûn kêr chhûnga Pathian enkawlna in dawn chu sawitîr t̄heuh ang che u. Pathian vên leh enkawlna lam hlâ sa ho ula, chutah lâwmthû in sawi dâwn nia.

